

EFESIOS

Jmo₅ Pa₄ si₂ a₂chein₃ ne₄ Guá'₅ i₂chan₂ juig₂ Efeso

1 ¹ Jniá₂, Pablo, co₂në₅ ca₂rë₃'ñi₃ó₃ dsí₅ Diú₄, líng₅ jan₂ i₂chen₄ quián₅ Jesucristo. Jmo₅ jniá₂ si₂ la₂ a₂tsíng₂ ja₁con'₂ 'nia'₂ i₂tén₅ le₃quió'₅ Diú₄^a i₂chan₂ ciudad Efeso, ^b ja₁con₂ ca₂le₃jín₃ gué₄ i₂'én₂ le₃quió'₅ Cristo Jesús. ² Jui₁jme₂gu'₅₄ bá₄ Diú₄ Jmei₂ jniog₄, quian'₅₄ Te₁gui'₅₄ Jesucristo né₃. Jui₁jmo₁₂ bá₄ 'ei₅ tei₄ chan'₂ 'nia'₂.

'A₂ lia'₂ jme₂gu'₅₄ Diú₄ le₃quió'₅ jme₂dsí₂, o₄quió'₄ Cristo

³ Jui₁jme₁juín'₂ jniog₄ Diú₄ Jmei₂ Jesucristo Te₁gui'₅₄ quián₂, ia₁ le₃quió'₅ Cristo bá₄ ma₂ca₂jme₃gu'₅₄ 'éi₂ jniog₄ 'ñio₅ lín₃ quian'₅₄ ca₂le₃jé₃ ne₅₄ a₂dse₃ a₂gu₂dsí₂ a₂já₅ guei'₅₄ i₂juíg₃. ⁴ Lia'₂ con'₂ né₃ a₂jmo₃ Diú₄ mi₂güí₃, ca₂quió'₂ jniog₄ a₂léi₂ dsa₂ i₂náu₁ le₃quió'₅ Cristo, ia₁jaun₂ le₃chong₂ le₃ne₅₄ lé₅ 'í₁ quiáin₅, tsá₃ ma₃'e₂ dsáu₁ jniog₄ cha₂. 'Uig₅₄ ia₁ a₂'nio₃ bá₄ jniog₄, ⁵ ca₂quió'₂ ca₂le₂jniá₅, a₂guéi'₂ léi₂ jniog₂ chi'₂-guein₂ quiáin₅ të₂le₃ quian'₅₄ Jesucristo, lia'₂ con'₂ lé₅ ca₂i₃jio₅ dsí₅. Ia₁ le₂në₅ ca₂rë₃'ñi₃ó₃ dsí₅ 'ñiog₅. ⁶ 'Uig₅₄ në₅ né₃ jme₂juín'₁ jniog₄ Diú₄ ia₁ 'ua₁ dsí₅ 'ñio₅ lín₃, jaun₂ ca₂jme₃gu'₅₄ jniog₄ le₃quió'₅ Ja₁ñi'₅₄ i₂ñí₄ 'nioi₃ lín₃. ⁷ 'Éi₂ bá₄ ca₂quí₃ ca₂láu₂ jniog₄ të₂le₃ quian'₅₄ jmi₂ 'ain₅₄, ca₂'éin₂ dsáu₁ jniog₄ a₂jme₁le₁cáu'₄, të₂le₃ ia₁ a₂ñí₄ lë₃ 'ua₁ dsí₅. ⁸ A₂dse₃ dsí₅ lín₃ bá₄ Diú₄ ca₂jmo₃ a₂le₃ñí'₂ dsí₅ jniog₄ a₂le₃tag₂ ca₂le₃jé₃, ⁹ a₂ma₂ca₂jme₃jniai₂₃ ja₁con₂ jniog₄ jág₁ quió'₅ a₂jme₁rë₂'ma₄, a₂i₃jio₅ dsí₅ jmo₃, lia'₂ con'₂ lé₅ ca₂rë₃'ñi₃ó₃ dsí₅ jmo₃ a₂dse₃ dsí₅. 'Ñiog₅ bá₄ Diú₄ ca₂lë₃ dsí₅ jmo₃ le₃quió'₅ Cristo. ¹⁰ Lia'₂ con'₂ lé₅ jág₁, jme₃ti₃ bá₄ lia'₂ tí₅ jág₁ quió'₅ jë₁ma₂ca₂të₂ jmi₄ a₂'i₄ 'éi'₃ dsia₃ o₄gú₃ Cristo a₂jmo₃ 'éi₂ 'éi'₃ lia'₂ guei'₅₄ i₂juíg₃ lia'₂ ne₄ gua'₅₄ 'uë₃.

¹¹ Ján₃ bá₄ le₂në₅, a₂tíong₂ jnia'₅₄ le₃quió'₅ Cristo, ca₂quió'₂ Diú₄ të₃jniá₅ lia'₂ con'₂ lé₅ ta₁ quió'₅ a₂ma₂i₃jio₅ dsí₅ jmo₃ le₂jniá₅. Ia₁ Diú₄ bá₄ i₂jmo₅ 'e₂ niog₅ lé₂, lia'₂ con'₂ lé₅ dsi₂jio₅ dsí₅ jmo₃. ¹² Le₂në₅ ma₂ca₂jmo₃ ia₁jaun₂ jnia'₅₄ i₂le₂'uig₅₄ 'éi₁ caun₂ dsí₅ të₂le₃ quió'₅ Cristo, le₃chong₂ jnia'₅₄ jmó₁ juë'₂ a₂co₂tág₅ quió'₅. ¹³ Ján₃ bá₄ le₂jaun₂ jme₁ca₂nei'₂ 'nia'₂ jág₁ tí₅, jme₁ca₂rë₃'é₂ jág₁ a₂lión₂ dsa₂, jaun₂ ca₂rë₃'én'₂ bá₄ 'nia'₂. Jaun₂ ca₂jme₁quian'₄ bá₄ 'nia'₂ Cristo ca₂lín'₃ 'nia'₂ léi₄ a₂lín'₅ i₂quián₅ Diú₄ të₂le₃ quian'₅₄ Jme₂dsí₂ Jñi₃ó₅ i₂ma₂lë₅ jág₁ cuín₃ Diú₄. ¹⁴ Jme₂dsí₂ Jñi₃ó₅ 'éi₂ bá₄ né₃ lín₅ co₂'nió'₄ caun₂ cu₄ a₂ma₂quio₂ dsa₂ të₃jniá₅ co₂'nió'₄ a₂ma₂lë₅ chi₁quian₅ quián₂ jniog₄

^a1 lit. “dsa₂ jñi₃ó₅.”

^b1 A₂lín₅₄ chog₅₄ si₂ tsá₃ chi₁ton₅ “ciudad Efeso.”

a₂të₃dsón'₂ guéi₁ a₂ca₂tág₂ a₂cuë₃ Diú₄ jë₁ma₂ca₂'ñia₅ a₂lióin₂ dsa₂
quiáin₅, ia₁jaun₂ jme₃juë'₂ dsa₂ a₂co₂tág₅ quió'₅.

Mi₅ Pa₄ ne₄ Diú₄ a₂jmo₃ a₂le₃ñí'₂ dsí₅ dsa₂ 'én₂

¹⁵ 'Uig₅₄ jaun₂ jniá₂ né₃, jme₁ca₂rë₃guion₅₄ a₂'én'₂ 'nia'₂ të₂le₃ quió'₅
Te₁gui'₅₄ Jesús, con'₂ siá'₂ táng₃ ia₁ 'nió'₃ bá₄ 'nia'₂ ca₂le₃jín₃ i₂tén₅
le₃quió'₅ Diú₄, ¹⁶ jaun₂ né₃ ca₂le₃o₃ jmig₄ bá₄ tsá₃ lé₅ jua'₅₄ tsá₃ cuë₅
ti₁ 'mag'₄ o₄quián'₂ 'nia'₂, 'ín₅ jniá₂ 'nia'₂ ne₅₄. ¹⁷ Caun₂ qui₂mi₅ jniá₂ juíg₂
Diú₄ quián₅ Te₁gui'₅₄ Jesucristo quián₂ jniog₄, i₂lín₅ Tia₅₄ juin'₂,
jui₁jmo₁₂ bá₄ a₂lén'₂ 'nia'₂ dsa₂ i₂tin₂ i₂nio₅ dsi₄ të₂le₃ quió'₅ jme₂dsí₂,
a₂le₃ñí'₂ 'au'₂ 'nia'₂ a₂jme₃jniai₂₃ ia₁jaun₂ le₃cuiin'₂ gué₄ 'nia'₂ dse₃. ¹⁸ Mi₅
jniá₂ ján₃, jui₁jme₂jnio₅₄ ne'₅₄ 'nia'₂, ia₁jaun₂ le₃ñi'₅₄ 'e₂ jaun₂ a₂le₁'ág₄
caun₂ 'au'₂ 'nia'₂ a₂ma₂të₂₃ a₂cuë₃; a₂quen₅ lin₃ bá₄ ca₂le₃jé₃ a₂jlá'₁
a₂ca₂tín₂ dsa₂ i₂lé₅ 'í₁ quiáin₅; ¹⁹ mi₅ jniá₂ jui₁le₂ñi'₅₄ 'nia'₂ ján₃, 'e₂ gué₄
tson₂ juë'₂ bí₂ quió'₅, a₂nio₅ jmo₂₃ le₃quián₂ jniog₄ i₂'éin₂. Jui₅bí₂ në₅
né₃ a₂le₂jaun₂ bá₄ në₅ jui₁lia'₂ a₂ca₂jme₃jnia₅ Diú₄ ²⁰ jme₁ca₂jme₃jein'₅₄
Cristo ja₁jme₁rë₂ 'liin₅₄ a₂ca₂dsiog₃ jaun₂ né₃ le₃gu₂ ne₁ quió'₅, guei'₅₄
i₂juíg₃. ²¹ Ja₁jaun₂ ca₂dsiog₃ ca₂'ag₃ a₂lín₅ ta₁ juë'₂ lin₃ a₂goin₂ ne₄ quió'₅
ca₂le₃jé₃ 'éi'₃, ne₄ quió'₅ ca₂le₃jé₃ jui₅bí₂ a₂cha₂. 'Éi₂ bá₄ juin'₂ ne₄ quió'₅
ca₂le₃jín₃ dsi₂tan₅₄ i₂'uan'₂ gon₂, ne₄ ca₂le₃jín₃ i₂juin'₂ i₂lín₅ juig₅₄, ján₃
bá₄ 'éi₂ juin'₂ ne₄ ca₂le₃jé₃ ne₅₄ ta₁ a₂lé₂ le₃lén₂ dsa₂, on₃jua'₅₄ jmá'₃
mi₂güig₃ la₂, ñó₅ në₅ jmo₂₃ 'éi'₃ le₂tan₅₄ mi₂güig₃ caun₂. ²² O₄tag₄ Cristo
bá₄ ca₂ton'₂ Diú₄ ca₂le₃jín₃ i₂chan₂, ca₂le₃jé₃ a₂cha₂ né₃, jaun₂ 'ñiog₅
guë'₂ Cristo ca₂'iin₃ a₂lín₅ mi₂dsi₄ ne₄ ca₂le₃jé₃ le₃quió'₅ guá'₅ quiáin₅.
²³ Jaun₂ guá'₅ quiáin₅ né₃, lé₅ co₂'nió'₄ ni₁ñi₁₂ 'ñiog₅ a₂rë₂'ñia₅ ta₁jain₂;
jaun₂ Cristo 'ñiog₅ bá₄ jme₃'ñiai₂₃ ca₂le₃jé₃ gué₄ a₂'nió'₅ ca₂le₂con₂.

Ca₂rë₃chóng₃ jniog₄ le₃quió'₅ Cristo

2 ¹ 'Nia'₂ né₃, jme₁tiong'₅₄ le₂jniá₅ líng'₅ 'lag₄ ne₄ 'uig₅₄
a₂jme₁i₂nio₅ i₁juing'₅₄, le₁cáng'₄ dsáu'₂, ² lia'₂ con'₂ jme₁chang'₂
tiong'₅₄ 'éng'₅ jui₅ con'₂ lé₅ jiog₅ mi₂güig₃ la₂, jme₁jme₂tí'₁ 'nia'₂ con'₂ lé₅
'ñio₂ dsí₅ jme₂dsí₂ i₂gon₂ ne₄ 'éi'₃ a₂cha₂ jë₄ dsí₂, i₂jmo₅ ta₁ të₂dsí₅ jaun₅
dsa₂ i₂tsá₃ ne'₅₄, i₂tsá₃ gan₃ Diú₄. ³ Le₂në₅ bá₄ jme₁i₂nio₄ jniog₄ ján₃,
jmig₄ jaun₂, jme₁chong₂ jme₁jme₂tí'₁ 'a₂ con'₂ lé₂ dsi₄ guio₅₄, jme₁jme₂tí'₁
a₂mi₅ ni₁ñi₁₂. 'Uig₅₄ lia'₂ con'₂ lé₅ jme₁lág₄ jniog₄ jme₁ca₂tág₂ guéi₁
co₂rë₂ uig₅ gau₂ quió'₅ Diú₄, jui₁lia'₂ lé₅ tin₃ ca₂le₃jín₃ i₂sián'₂. ⁴ La₁ Diú₄
né₃, 'uig₅₄ ia₁ a₂ñí₄ lë₃ néi₂ dsí₅ bá₄, ca₂rë₃'nio₃ lin₃ jniog₄. ⁵ Ca₂to'₂
jme₂dsí₂ ca₂jme₃jein'₅₄ jniog₄ co₂lë₅ quian'₅₄ Cristo, lia'₂ con'₂ jme₁lág₄
gué₄ jniog₄ 'lag₄ 'uig₅₄ dsáu₁. Ia₁ jmá'₃ lia'₂ quian'₅₄ a₂'ua₁ dsí₅ Diú₄
'ñiog₅ bá₄ ma₂lón'₂ 'nia'₂. ⁶ Jaun₂ le₂në₅ ca₂chó'₂ co₂lë₅ quian'₅₄ Cristo
Jesús jaun₂ ma₂ca₂dsiog₃ co₂lë₅ quiong'₅₄ guei'₅₄ i₂juíg₃. Le₂në₅

^c18 lit. "a₂ca₂tín₂ dsa₂ jnió₅."

ma₂ca₂jmo₃ ca₂le₃jé₃, ne₄ 'uig₅₄ ia₁ a₂chong₂ jniog₄ rē₂nē₃ le₃quió'₅ Cristo Jesús. ⁷ Le₂nē₅ ca₂cuē₃ léi₄ a₂'nio₃ jniog₄ 'ñio₅ lin₃ ca₂le₃jé₃ jmig₄ ja₁já₄ nē₅, 'a₂ lia'₂ jí₄ lē₃ tson₂ a₂'ua₁ dsí₅ a₂ca₂jmo₃ dse₃ dsí₅ ia₁ a₂chong₂ le₃quió'₅ Cristo Jesús. ⁸ Nē₃ né₃, tē₂le₃ ia₁ a₂'ua₁ dsí₅ bá₄ Diú₄ ma₂ca₂lón'₂ 'nia'₂, tē₂le₃ ia₁ a₂'éng'₂. A₂ca₂lón'₂ 'nia'₂ nē₅ né₃, on₃jua'₅₄ ia₁ 'e₂ cha₂ tén'₂ 'nia'₂ jua'₅₄ a₂ma₂jmo'₅₄ guiong'₅₄; a₂lē₁ca₂ñi'₂ bá₄ 'nia'₂ nē₅ ca₂cuē₃ Diú₄. ⁹ On₃jua'₅₄ tē₂le₃ quian'₅₄ a₂jmo₅ dsa₂ guioin₅₄ ia₁jaun₂ 'i₁jan₂ tsá₃ 'ein₂ jmo₃ tán'₅. ¹⁰ Ia₁ lág₅ bá₄ jniog₄ co₂'nió'₄ ta₁ quió'₅ Diú₄ 'ñiog₅; ca₂jmo₃ g'₂ jniog₄ le₃quió'₅ Cristo Jesús ia₁jaun₂ quián₁ jui₅ jmó₁ a₂dse₃, jui₅ a₂ma₂ca₂jmo₃ 'éi₂ co₂ñia₅₄ a₂i₁nio₁.

'Ei₅ tei₄ dsí₅ jniog₄ le₃quió'₅ Cristo

¹¹ Le₂nē₅ bá₄, jui₁dsiog'₂ 'au'₂ 'nia'₂ 'a₂ lia'₂ jme₁lín'₄ le₂jñiá₅. 'Nia'₂ con'₂ i₂lín'₅ dsí₂nau₂ i₂tsá₃ rē₂uing₄ lo₄, quiong₅ dsa₂ i₂rē₂uing₄ lo₄, (ta₁ jaun₂ a₂jmo₅ dsa₂ mi₂güí₃ quian'₅₄ gu₂); ¹² jui₁dsiog'₂ 'au'₂ 'nia'₂: jmig₄ jaun₂ lia'₂ con'₂ jme₁chang'₂ tsá₃ I₂rē₂'ín₁ quián₅ Diú₄ jme₁chan₂ ja₁con'₂ 'nia'₂; uín'₂ bá₄ jme₁tión'₂ 'nia'₂ ja₁lē₄ juig₂ Israel, tsá₃ jme₁cuin'₂ 'nia'₂ jág₁ a₂jme₁lī'₅₄ dsa₂ juig₂ quián₂ jnia'₅₄ quian'₅₄ Diú₄. Jme₁chan'₂ 'nia'₂ mi₂güí₃ la₂ tsá₃ Diú₄ chan₂ quián'₂ 'nia'₂ on₃ guē'₂ jme₁cha₂ jmig₄ jua'₅₄ a₂jme₁tín'₄ 'nia'₂. ¹³ La₁ rē₂nē₃ né₃, ma₂quian'₅₄ 'nia'₂ Cristo Jesús, 'nia'₂ i₂jme₁tión'₂ uín'₂ le₂jñiá₅. Quián₅ bá₄ ma₂tión'₂ rē₂nē₃ tē₂le₃ quian'₅₄ jmi₂ 'an₅₄ Cristo. ¹⁴ Le₂nē₅ bá₄ ca₂dsió₃: 'ñiog₅ bá₄ Cristo i₂jmo₅ 'ei₅ tei₄ quián₂ jniog₄. 'Éi₂ bá₄ ca₂jmo₃ né₃ ca₂chain'₃ co₂ñei'₅₄ jnia'₅₄ dsa₂ judíos quian'₅₄ 'nia'₂ dsí₂nau₂, caun₂ juig₂ bá₄ ca₂jmo₃, ca₂gón₂ bá₄ co₂'nió'₄ ni₁'ia'₂ a₂jme₁chí'₄ a₂jáng'₅ léi₄ a₂jme₁jmo₅ jma₃quén₅ jin₄ jniog₄.

¹⁵ Quian'₅₄ ni₁ñi₁₂ 'ñiog₅, ca₂jme₃dsiain₂₃ 'Éi'₃ Juá'₅ a₂jme₁tē₂néi'₂ chi₂quióng₂ jmig₄ jmá'₃ 'éi'₃. Ca₂lē₃ bá₄ né₃ lia'₂ con'₂ lē₅ ca₂i₃jio₅ dsí₅, ca₂jmo₃ caun₂ juig₂ 'mí₂ quió'₅ 'ñiog₅, ca₂ág₂ tei₄ quió'₅ dsa₂ le₃tin₃ juig₂. ¹⁶ Le₂nē₅ bá₄ ca₂dsió₃ ca₂lē₃ co₂'nió'₃ dsa₂ jē₁ca₂le₃jín₃. Tē₂le₃ quian'₅₄ 'mú₃ quió'₅ ne₄ cróg₄, ca₂jme₃dsian₅ Cristo mi'₅₄ a₂jme₁nió'₅ le₃tin₃ juig₂, ca₂ág₂ caun₂ jág₁ quian'₅₄ Diú₄. ¹⁷ Ca₂guan₃ Cristo quian₅ jág₁ dse₃ a₂'ag₃ tei₄ quió'₅ ca₂le₃jín₃: le₃quián'₂ 'nia'₂ dsa₂ i₂jme₁tión₂ uín'₂, lia'₂ le₃quián₂ jnia'₅₄ dsa₂ judíos i₂jme₁tio'₅₄ quián₅. ¹⁸ Jaun₂ tē₂le₃ quian'₅₄ Cristo, lé₂ le₃jme₁quián₄ jniog₄ ja₁con₂ Tia₅₄ quián₂ tē₂le₃ quian'₅₄ jan₂ Jme₂dsí₂, tsá₃ a₂nag₅₄ o₁jñia'₅₄ la₂ lág₅ jniog₄ dsa₂ judíos o₃ dsí₂nau₂ 'e₂. ¹⁹ 'Uig₅₄ nē₅, ma₂lín'₅ bá₄ 'nia'₂ co₂'nió'₄ dsa₂ i₂én₂ rin'₅₄ jniog₄ i₂lē₅ 'í₁ quián₅ Diú₄;^d tsá₃ ma₃lín'₅ 'nia'₂ dsí₂nau₂ jua'₅₄ tsá₃ cuín₅ jniog₄ rin'₅₄. Ma₂lín'₅ 'nia'₂ chi'₂-guein₂ quián₅ Diú₄ né₃. ²⁰ Ca₂dsió₃ lín'₅ 'nia'₂ co₂'nió'₄ caun₂ 'né₅ pa₁; lín'₅ 'nia'₂ ján₃ co₂'nió'₄ ni₁cang₁ a₂jui₅ dsa₂ ne₄ 'uig₅₄ 'ia'₂ a₂ca₂chi'₃ dsa₂ i₂chen₄ quián₅ Jesús, quian'₅₄ dsa₂ i₂jme₁'é₂ jág₁ o₄quió'₄ Diú₄ ma₂líg'₂. 'Ñiog₅ guē'₂ Jesucristo lín₅ co₂'nió'₄

^d19 lit. "dsa₂ jñi₅."

ni₁cang₁ a₂dsen₅₄ gué₄. ²¹ Le₃quió'₅ 'éi₂ né₃, tsau₂ ta₁ ta₁caun₂ tsi₁'né₅, lé₂ rē₂juí₄ rē₂, ca₂lia'₂ ca₂dsióg₃ lé₂ caun₂ guá'₅ a₂lé₅ 'í₁ quió'₅ Te₁gui'₅₄.
²² Le₃quió'₅ 'éi₂ né₃, 'nia'₂ bá₄ ján₃ líng'₅ co₂'nió'₄ ni₁cang₁ a₂caun₂ jui₅ ni₁'ia'₂, ca₂lia'₂ ca₂dsi₃nó'₅ 'nia'₂ léng'₂ caun₂ dsi₂néi₂ ja₁guá₄ Diú₄ a₂gu₂dsí₂.

A₂nio₅ gu₂ Pa₄ qui₃'é₂ jág₁ dse₃ ja₁con₂ dsi₂nau₂

3 ¹ 'Uig₅₄ nē₅ bá₄ né₃, jniá₂ Pa₄, jme₂juíng'₁ Diú₄, ton'₂ rē₂'eng₅₄ né'₃ 'má₃ 'uig₅₄ quió'₄ Cristo Jesús a₂dse₃ o₄quián'₂ 'nia'₂ i₂líng'₅ dsi₂nau₂. ² Líng₂ a₂ma₂le₁ñi'₅₄ dsón'₂ bá₄ 'nia'₂ a₂dse₃ dsí₅ Diú₄ ma₂ca₂dsia₃ gu₃ ta₁ la₂, a₂dse₃ o₄quián'₂ 'nia'₂. ³ Ma₂ca₂rē₃ñi'₅₄ bá₄ 'nia'₂ jág₁ a₂jme₁rē₂'ma₄ le₂jniá₅, 'e₂ a₂nio₅ dsí₅ jmo₃; ca₂jmo₃ ca₂rē₃guion₅₄, jui₁lia'₂ ma₂juá'₃ ca₂jon₄ jág₁ ne₄ si₂ le₂jniá₅. ⁴ Jē₁ma₂ca₂'í'₂ 'nia'₂ si₂ nē₅, le₃len'₅₄ 'nia'₂ a₂ma₂ñí'₂ dsi₃ jē₂ jág₁ a₂jme₁rē₂'ma₄ quió'₅ Cristo, ⁵ caun₂ jág₁ a₂tsá₃ 'ein₂ ca₂rē₃ñi₅ ca₃ma₂líg'₂, la₁ rē₂nē₃ né₃ ma₂ca₂jme₃jnia₅ Jme₂dsí₂ quián₅ Diú₄ ja₁con₂ dsa₂ jnió₅ quián₅: dsa₂ i₂chen₄ quián₅ Jesús, quian'₅₄ ja₁con₂ dsa₂ i₂jme₁'é₂ jág₁ o₄quió'₄ né₃. ⁶ Jág₁ a₂ma₂ca₂rē₃jniá₂, a₂la₂ bá₄ jaun₂: tē₂le₃ quian'₅₄ jág₁ dse₃ a₂lión₂ dsa₂, tin₃ dsi₂nau₂ gue₃ a₂lé₅ jág₁ cuē₃ Diú₄ co₂rē₂ bá₄ quian'₅₄ a₂tin₃ dsa₂ judíos. Lín'₅ 'nia'₂ dsa₂ i₂tén₅ caun₂ bá₄ ñí₅, ján₃ guē'₂ tin'₃ 'nia'₂ jág₁ a₂ron₅ cué₁ quió'₅ Diú₄ le₃quió'₅ Cristo Jesús.

⁷ Jág₁ nē₅ ma₂chéng'₅ jmo₂₃ ta₁ a₂'é₅ jág₁ dse₃, lia'₂ con'₂ lé₅ a₂lē₁ca₂cuē₃ Diú₄ a₂'ua₁ dsí₅, lia'₂ con'₂ lé₅ jmo₅ ta₁ jui₅bí₂ quió'₅.
⁸ O₁jñia'₅₄ la₂ lín₅ jniá₂ jan₂ i₂me'₂ gué₄ con'₂ gué₄ i₂tsá₃ 'e₂ quen₅ jē₄ quió'₅ ca₂le₃jín₃ i₂tén₅ le₃quió'₅ Diú₄,^e la₁ 'éi₂ ma₂cuē₃ jniá₂ a₂dse₃ nē₅ a₂'é₄ jág₁ jin₄ dsi₂nau₂, caun₂ jág₁ dse₃ a₂le₃chong₂ jniog₄ dse₃ gué₄ lín₃ a₂jme₃gu'₅₄ Cristo, ca₂lia'₂ tsá₃ lé₂ le₃jua'₅₄ a₂le₃ñí'₂ dsí₅ dsa₂.
⁹ Ma₂ca₂dsia₃ gu₃ ta₁ la₂ a₂jme₁jniag₅ ja₁con₂ ca₂le₃jín₃, jág₁ dse₃ a₂jme₁rē₂'ma₄, ca₂le₃ ca₂nio₃ mi₂güí₃, 'a₂ lia'₂ 'nio₃ Diú₄ lé₂. Ia₁ 'éi₂ bá₄ i₂ca₂jmo₃ ca₂le₃jé₃ 'e₂ a₂cha₂. ¹⁰ Ca₂i₃jio₅ dsí₅ jmo₃ tē₂le₃ quian'₅₄ dsa₂ quián₅, jui₁le₂ñi₅ ca₂le₃jín₃ i₂'io₅ jui₅bí₂, i₂lín₅ ta₁ tion'₅₄ guei'₅₄, 'lióng₂ ne₅₄ 'ñio₅ lín₃ bá₄ a₂ñí'₂ dsí₅ Diú₄; ¹¹ jaun₂ jui₁le₂ñi₅ bá₄, Diú₄ ca₂jmo₃ le₂nē₅ con'₂ lé₅ i₃jio₅ dsí₅ jmo₃ co₂tan₅₄ tē₂le₃ quian'₅₄ Te₁gui'₅₄ Jesucristo. ¹² Tē₂le₃ quian'₅₄ Cristo cha₂ jui₅ quián₂ a₂lé₂ le₃jme₁quián₄ jniog₄ dsiá₁ tiá₂ dsi₅ ja₁con₂ Diú₄, caun₂ bá₄ le₁'ág₄ dsi₅ 'uig₅₄ ia₁ a₂'éin₂ le₃quió'₅ 'éi₂. ¹³ Jaun₂ lē₃, chi₂len'₄ jniá₂ 'nia'₂ a₂tsá₃ 'ág'₂ caun₂-tin₃ 'au'₂ 'uig₅₄ ia₁ a₂chang₂ ñag₅₄ uig₅ o₄quián'₂ 'nia'₂, la₁ia₁ dse₃ tē₂le₃ ja₁con'₂ 'nia'₂, ia₁ le₂nē₅ bá₄ dsióg₅ a₂le₃juin'₂ 'nia'₂.

^e8 lit. "ca₂le₃jín₃ dsa₂ jnió₅."

'A₂ lia'₂ tson₂ ca₂rě₃'nio₃ Cristo jniog₄

¹⁴ 'Uig₅₄ nē₅ bá₄, no₂₃ chi₂jne₅₄ ne₄ Diú₄ Jmei₂ Te₁gui'₅₄ Jesucristo,
¹⁵ i₂lín₅ jmei₂ ca₂le₃jín₃ i₂chan₂ guei'₅₄ i₂juíg₃ quian'₅₄ i₂chan₂ ne₄ gua'₅₄
 'uē₃. ¹⁶ Mi₅ jniá₂ ne₄ Tia₅₄ a₂jmo₃ tē₂'au'₂ 'nia'₂, cuē₃ jui₅bí₂ bēn₂ jlá'₁
 quió'₅ tē₂le₃ quian'₅₄ Jme₂dsí₂ quiáin₅, ¹⁷ ia₁jaun₂ tē₂le₃ jñia'₅₄ 'a₂ con'₂
 'én'₂ bá₄ 'nia'₂, jiá₃ Cristo ja₃guá₃ tē₂'au'₂ 'nia'₂. Le₂nē₅ jē₁ma₂tión'₂ 'nia'₂
 tiá₂ lé₂ co₂'nió'₄ qui₂le₁'má₂ jmú₄ ji'₂ lín₃, jme₁'nió'₄ 'nia'₂ ríng'₂. ¹⁸ Mi₅
 jniá₂ a₂lé₂ le₃ñí'₂ 'au'₂ 'nia'₂, quian'₅₄ ca₂le₃jín₃ con'₂ i₂ma₂lé₅ 'í₁ quiáin₅,^f
 a₂juē'₂ lín₃, ton'₂ a₂cu₂ lín₃, ton'₂ a₂nei₅ lín₃, a₂ji'₂ lín₃ bá₄, 'a₂ lia'₂ 'nio₃
 Cristo jniog₄. ¹⁹ Mi₅ jniá₂ ne₅₄, jui₁le₂cuin'₂ 'nia'₂ a₂nē₅ a₂lé₅ a₂juē'₂ lín₃,
 on₃jua'₅₄ ia₁ a₂le₃cuí'₅ le₃ñí'₂ dsí₅ dsa₂; mi₅ jniá₂ ia₁jaun₂ le₂nē₅ tiáng'₄
 le₃chang'₂ co₂nei'₅₄ qui₂rē₂rin₅ tē₂'au'₂ ca₂le₃jé₃ 'a₂ lia'₂ lín₅ Diú₄.
²⁰ Jaun₂ né₃, jui₁le₂juin'₂ bá₄ Diú₄, i₂lé₂ le₃jmo₃ tson₂ gué₄ lia'₂ con'₂ gué₄
 a₂mi₂ jniog₄, lia'₂ con'₂ gué₄ dsi₂jioḡ₅ dsi₅ né₃, tē₂le₃ quian'₅₄ bí₂ a₂jmo₂₃
 ja₁con₂ jniog₄. ²¹ iJui₁le₂juin'₂ bá₄ Diú₄ ja₁con₂ guá'₅ quiáin₅ tē₂le₃
 quian'₅₄ Cristo Jesús, ca₂lia'₂ con'₂ tan₅₄ ca₂le₃jé₃ tsi₁jon₂ dsa₂ i₂ja₃lén₂
 chi₁quín₃ ca₂le₃jé₃ ñi₂ co₂tan₅₄! A₂méi₃.

Chong₂ jniog₄ 'ei₅ caun₂ jág₁ tē₂le₃ quian'₅₄ Jme₂dsí₂

4 ¹ 'Uig₅₄ nē₅ bá₄ né₃, rē₂jñí₅ né'₃ 'má₃ o₄quió'₄ Te₁gui'₅₄, chi₂len'₄
 jniá₂ 'nia'₂ a₂tiáng'₄ lia'₂ con'₂ dsi₂ten₅₄ ca₂tín₂ le₃chan₂ dsa₂ i₂té₄
 quián₅ Diú₄, ia₁ a₂jaun₂ bá₄ ca₂té'₃ 'nia'₂. ² Jmo₄ 'nia'₂ meg'₂, 'ua₁ 'au'₂
 quiang'₅₄ ríng'₂. Jmo₄ 'nia'₂ juín'₂ 'au'₂, tió'₃ 'au'₂ jmo₄ quiang'₅₄ ríng'₂
 le₂jang'₂ le₂jang'₂ ia₁ a₂'nióḡ'₃ ríng'₂. ³ Dsen₅₄ 'au'₂ 'nia'₂ jmo₄ tionḡ'₅₄
 'ei₅ tián₂ caun₂ jág₁ tē₂le₃ quian'₅₄ Jme₂dsí₂ Jñió₅, co₂'nió'₄ bá₄ chan'₂
 'nia'₂ qui₂rē₂queng'₅₄ quian'₅₄ ríng'₂ 'ei₅ tei₄. ⁴ Lág₅ jniog₄ caun₂ bá₄ ñí₅
 ta₁caun₂ nió'₃, ján₃ guē'₂ jan₂ bá₄ Jme₂dsí₂ táng₃, a₂tián'₄ 'nia'₂ le₂nē₅
 bá₄ ma₂ca₂tē₃ Diú₄ caun₂ bá₄ jmig₄ a₂lín₂ 'au'₂ 'nia'₂ chang'₂. ⁵ Jan₂ bá₄
 Te₁gui'₅₄ i₂lín₅ juig₅₄ jniog₄ chan₂, caun₂ bá₄ a₂'éin₂ jniog₄, ján₃ guē'₂
 ca₂le₃jág₃ bá₄ jniog₄ ca₂jñó₂ jmig₂ le₃quió'₅ jan₂ bá₄ Te₁gui'₅₄. ⁶ Jan₂ bá₄
 Diú₄ chan₂ i₂lín₅ Tia₅₄ quián₂ jniog₄ ca₂le₃jág₃. 'Éi₂ bá₄ i₂niog₅ gu₂ jniog₄
 ca₂le₃jág₃; 'éi₂ bá₄ i₂jmo₅ ta₁ ja₁con₂ jniog₄ ca₂le₃jág₃; 'ein₅₄ ja₁con₂
 jniog₄ ca₂le₃jág₃ né₃.

⁷ La₁ le₂jau₂ le₂jau₂ bá₄ jniog₄ jma₃quén₅ lé₅ bí₂ a₂ma₂ca₂ḡag₂, lia'₂
 con'₂ lé₅ ma₂ca₂dsiό'₃ Cristo quió'₅. ⁸ Jaun₂ lē₃ juá'₂ ne₄ Si₂:

Ca₂uíḡ₂ guei'₅₄ i₂juíg₃
 te₂ le₁'ñe'₅₄ ca₂le₃jín₃ i₂ca₂lí'₃,
 jaun₂ ca₂dsiό'₃ bí₂ jma₃quén₅
 ca₂cuē'₃ dsa₂ mi₂güíḡ₃.^g

^f18 lit. "ca₂le₃jín₃ dsa₂ jñió₅."

^g8 Salmo 68:18; 'Nió'₂ ja₁ton₅ Colosenses 2:15.

⁹ Jaun₂, 'e₂ jág₁ dsau₅ jein₅ jág₁ "A₂ca₂uíg₂" në₅ në₃? Jñia'₅₄ lia'₂ juá'₂ le₂'uíg₅₄ ca₂síon₃ ja₁lé₄ ja₁'uin₃ gué'₄ 'ñio₅ lín₃ ne₄ gua'₅₄ 'uē₃.
¹⁰ I₂ca₂síon₃ 'éi₂ bá₄ ján₃, i₂ca₂uíg₂ táng₃ ja₁lé₄ ja₁'nei₅ gué'₄ guei'₅₄ i₂juíg₃, ia₁jaun₂ jme₃cain'₂ ca₂le₂con₂ quian'₅₄ Jme₂dsí₂ quiáin₅. ¹¹ Jaun₂ jma₃quén₅ ca₂chein'₃ dsa₂ quiáin₅ ca₂cuē₃ bí₂ ca₂cuē'₃ le₂jan₂ le₂jan₂; i₂lín₅₄ ca₂chein'₃ a₂lén₂ i₂chen₄ quiáin₅; i₂lín₅₄ guē'₂ ca₂ñi₂ bí₂ a₂lé₂ ñág₃ jág₁ a₂guéi'₅ quió'₅ Diú₄; i₂lín₅₄ guē'₂ ca₂cuē'₃ bí₂ a₂qui₂dsi₃'é₃ jág₁ dse₃ a₂lón₂ dsa₂; i₂lín₅₄ guē'₂ ca₂cuē'₃ bí₂ a₂lén₂ dsa₂ i₂'é₂ jág₁ i₂jme₂tin₅ guá'₅. ¹² Le₂nē₅ qui₂ca₂chein'₃ dsa₂ guá'₅ ia₁jaun₂ jmo₃ co₂jñia₅₄ dsa₂ quiáin₅ a₂jme₃ti₃ ta₁ a₂'nio₃ 'éi₂ lé₂, ia₁jaun₂ caun₂ qui₂dsi₃cón₃ bá₄ ñi₅₄ 'ñiog₅, ¹³ ca₂lia'₂ ca₂dsi₃náu₅ 'ei₅ caun₂ jág₁ quian'₅₄ rin'₅₄, 'éin₂ rē₂, ñí'₂ dsi₅ le₃quió'₅ Ja₁ñi'₅₄ Diú₄. Le₂nē₅ bá₄ dsi₁náu₅ léi₂ dsa₂ i₂ma₂ca₂can'₅₄ co₂ñei'₅₄ lia'₂ con'₂ lé₅ lín₅ Cristo 'ñiog₅. ¹⁴ Jaun₂ tsá₃ ma₃léi₂ jniog₄ lia'₂ lín₅ i₂bē'₅₄ i₂caun₂ lē₁qui₂rē₂gan₂ tsá₃ uin₅ qui₂jme₂tsín₃; në₂jag₄ bá₄ a₂qui₂tsag'₂ dsí₂ a₂caun₂ 'ñio₂ dsí₅ bá₄ jui₁'e₂ gué'₃ a₂jme₂tag₅ dsa₂, qui₂sē₂sein'₂ jē₁jme₂gau₅ dsa₂ i₂ñí₄ 'ñio₅ 'io₅ mai₅₄, 'nio₃ jiog₃ jui₅ jē₁tsá₃ dsau₅. ¹⁵ Tē₂le₃ 'nió'₅ dsiá₁ jniog₄ jág₁ tí₅ a₂'nio₃ jniog₄ rin'₅₄. Ca₂tág₂ bá₄ jniog₄ qui₂dsi₃cau'₅₄ ne₄ ca₂le₃jé₃ le₃quió'₅ 'éi₂ i₂lín₅ mi₂dsi₄ quián₂ jniog₄, le₃quió'₅ Cristo bá₄ guē'₂. ¹⁶ Tē₂le₃ quian'₅₄ 'éi₂ qui₂dsi₃cau'₅₄ jniog₄ 'a₂ lia'₂ jme₁'nió₄ jniog₄ rin'₅₄. Lág₅ jniog₄ në₂jag₄ bá₄ caun₂ ni₁ñí₅ a₂qui₂rē₂tion'₅₄ rē₂ le₂caun₂ le₂caun₂ ja₁qui₂le₁chan'₂ quió'₅ dsa₂, jma₃quén₅ bá₄ lé₅ ta₁ quió'₅ qui₂jme₂'on₅₄ rin'₅₄, ca₂lia'₂ ca₂i₃cón₃ rē₂, dse₃ le₁'ág₄ dsí₅, 'nioi₃ riin'₅₄ në₃.

Jui₅ 'mí₂ le₃quió'₅ Cristo

¹⁷ A₂la₂ bá₄, juá'₅ jniá₂ chi₂quiang₅₄ jmi₄ 'nia'₂ o₄quió'₄ Te₁gui'₅₄: tsá₃ ma₃jui₁le₂chan'₂ 'nia'₂ jui₁lia'₂ chan₂ dsa₂ i₂tsá₃ Diú₄ cuin₅, ia₁ 'éi₂ në₃ chain₂ lia'₂ con'₂ lé₅ niog₅ dsi₅₄ tsá₃ 'e₂ ta₁ tí₄. ¹⁸ 'Nio₅ tē₂le₃ jen₅ bá₄ ma₂ñí'₂ dsí₅, uíng₂ bá₄ chain₂ ja₁jme₁ca₂tín₂ le₃chain₂ le₃quió'₅ Diú₄, ia₁ lín₅ dsa₂ i₂co₂ñei'₅₄ tsá₃ 'e₂ tin₂ tsá₃ 'e₂ ñi₅ ia₁ a₂ma₂ca₂rē₃'uá'₃ dsí₅.
¹⁹ Tsá₃ ma₃lí'₄ 'e₂ jaun₂ o₂guí'₃, co₂dsia₅ ma₂ca₂jín'₂ bá₄ guioin₅₄ ne₄ ca₂le₃jé₃ jmá'₃ lia'₂ a₂mi₅ ni₁ñi₁₂, caun₂ ma₂'ñio₂ dsí₅ bá₄ jmo₂₃ ca₂le₃jé₃ ne₅₄ a₂lē₁'iog₅. ²⁰ La₁ 'nia'₂ në₃, tsá₃ le₂nē₅ ca₂rē₃tíng'₃ le₃quió'₅ Cristo.
²¹ Ia₁ dsón'₂ bá₄ ma₂ca₂nei'₂ 'nia'₂ le₃quió'₅ 'éi₂ lín₂ jniá₂, jaun₂ ca₂rē₃tíng'₃ bá₄ lia'₂ con'₂ lé₅ ca₂jme₃tag₅ 'éi₂, lia'₂ con'₂ lé₅ jág₁ tí₅ dsón'₂ a₂cha₂ ja₁con₂ Jesús. ²² Ca₂rē₃tíng'₃ a₂co₂dsia₅ jniá'₄ cau₅ lia'₂ con'₂ lé₅ jme₁lín₄ le₂jniá₅, në₂jag₄ bá₄ dsa₂ i₂co₂ñei'₅₄ jniá'₂ tsin'₅₄; a₂jme₁rē₂'én'₄ ne₄ a₂jme₁qui₂rē₂gáng'₃ ne₄ ca₂le₃jé₃ a₂jme₁ín₅ 'au'₂ 'nia'₂, con'₂ lé₅ jme₁chang'₂. ²³ Ca₂rē₃tíng'₃, a₂ca₂tín'₂ 'nia'₂ jme₁'mag'₂ lia'₂ lé₅ dsi₂jio₅ 'au'₂. ²⁴ Ca₂rē₃tíng'₃ a₂jmo₅₄ le₁lín₄ a₂lín₅ në₂jag₄ bá₄ jan₂ dsa₂ 'mí₂ i₂ca₂rē₃chán₃ lia'₂ con'₂ lé₅ 'nio₃ Diú₄, a₂lén₂ dsa₂ dsen₃ dsón'₂ i₂jñi₅ quiáin₅. ²⁵ Jaun₂ në₃, jniá'₃ 'nia'₂ cau₅ jág₁ tē₂jág₁, le₂jang'₂ le₂jang'₂, dsia₄ 'nia'₂ jág₁ tí₅ quian'₅₄ dsa₂ mi₂güí₃ ríng'₂, ia₁ ca₂le₃jág₃

bá₄ jniog₄ téi₅ caun₂ ni₁ñí₅. ²⁶ “Chi₂jua'₂ ca₂rë₃'né'₃ 'nia'₂, tsá₃ lë₁'nau₂ 'nia'₂ dso₄”;^h tsá₃ cuë₂ 'nia'₂ jmi₄g₄ jua'₅₄ 'í₁ 'nei₂ 'au'₂ tē₁ne₁ jmi₄g₄, ca₂lia'₂ jñia'₅₄ lia'₂ ca₂rin₂ 'iog₂; ²⁷ tsá₃ ná₂ 'nia'₂ jui₅ quió'₅ i₂së₃dsen₃. ²⁸ I₂jme₁'ang₅ guë'₂, tsá₃ ma₃o₁'ang₁₂, tē₂le₃ jui₁jmo₁₂ ta₁ quian'₅₄ gu₂-tag₅₄ 'e₂ caun₂ ta₁ dse₃ cha₂, ia₁jaun₂ le₃cha₂ a₂lé₂ jme₃'oin₅₄ ca₂la₂ dsa₂ i₂'nió'₅ quió'₅. ²⁹ Tsá₃ lë₁'uë'₅₄ 'nia'₂ jág₁ 'lig'₅₄ mi₂'o'₅₄; jme₁tin₅ 'nia'₂ dsiá'₁ jmá'₃ lia'₂ jág₁ dse₃, ia₁ a₂në₅ bá₄ jme₃'o'₅₄ a₂qui₂dsi₃cón₃ ríng'₂ i₂'nió'₅ quió'₅ le₃quió'₅ jme₂dsí₂, ton'₂ dse₃ quió'₅ i₂nag₅ në₃. ³⁰ Tsá₃ jmo₂ 'nia'₂ jén₂ dsí₅ Jme₂dsí₂ Jñi₅o₅ quián₅ Diú₄, ia₁ tē₂le₃ quian'₅₄ 'éi₂ ma₂lín'₅ 'nia'₂ léi₄ i₂ma₂lé₅ 'í₁ quián₅ Diú₄ ca₂lia'₂ ca₂té₂ jmi₄g₄ i₁lión'₂ 'nia'₂ co₂nei'₅₄. ³¹ Co₂dsia₅ jñiá'₃ 'nia'₂ a₂dsi'₃ cha₂ tē₂'au'₂, ca₂le₃jé₃ gué₄ a₂dsén'₂ 'nia'₂, 'nei₂ a₂'i₄ 'au'₂ në₃; ca₂le₃jé₃ a₂co₂mi'₅₄ co₂dsio'₅₄ a₂'ne'₂ 'nia'₂, ca₂le₃jé₃ gué₄ jág₁ uig₅ a₂qui₂'ín'₅ 'nia'₂ ríng'₂, ca₂le₃jé₃ ne₅₄ a₂'lig'₅₄ në₃. ³² Tē₂le₃ jmo₄ 'nia'₂ a₂dse₃ ja₁con₂ ríng'₂ le₂jang'₂ le₂jang'₂, jui₁le₂cha₂ bá₄ a₂ñéi₂ 'au'₂ 'nia'₂, 'én₃ 'nia'₂ dsáu₁ ríng'₂ le₂jang'₂ le₂jang'₂ jui₁lia'₂ ca₂'én₂ Diú₄ dsáu'₂ 'nia'₂ tē₂le₃ o₄quió'₄ Cristo.

'A₂ lia'₂ 'nió'₅ le₃chan₂ chi'₂-guein₂ quián₅ Diú₄

5 ¹ Ia₁ a₂lín'₅ 'nia'₂ chi'₂-guein₂ i₂'nió₁ quián₅ Diú₄, quen'₂ 'nia'₂ bí₂ léng'₂ lia'₂ lín₅ 'Éi₂. ² Jui₁le₂chan'₂ 'nia'₂ 'nió₃ ríng'₂, jui₁lia'₂ ca₂rë₃'nio₃ Cristo jniog₄ jaun₂ ca₂jín'₂ o₄quián₂ jniog₄ a₂lín₅ co₂'nió'₄ já'₂ cha'₂ ñó₃ rë₂jen'₅₄ ne₄ Diú₄ jain₂ ma₂jui₂g₂ ma₂ro₂. ³ Ia₁ ma₂lín'₅ 'nia'₂ i₂tén₅ le₃quió'₅ Diú₄, ca₂lia'₂ jñia'₅₄ tsá₃ 'nió'₅ le₃cha₂ jág₁ jin'₄ 'nia'₂ jua'₅₄ chan₂ i₂'nió'₅ jág₁ quian'₅₄ dsa₂ i₂tsá₃ lín₅ dsi₂i₂gu₂, on₃ guë'₂ 'i₁caun₂ a₂siá'₂ a₂lë₁'iog₅ në₃, on₃ guë'₂ ma₃'nió'₅ le₃chan₂ gué₄ i₂'ua'₂ dsí₅, ia₁ tsá₃ dsi₂ten₅₄ co₂ñí₂ jua'₅₄ dsa₂ i₂ma₂lé₅ 'í₁ quián₅ Diú₄ jmo₃ gué₄ le₂në₅. ⁴ Tsá₃ lë₁dsia₂ 'nia'₂ jág₁ 'lig'₅₄, on₃ guë'₂ jág₁ ga₂, on₃ guë'₂ jui₁lia'₂ jág₁ ñág₄ lë₁'iog₅ në₃, Ia₁ ca₂le₃jé₃ jág₁ le₂në₅ tsá₃ dsi₂ten₅₄; ja₂lin₃ gué₄ dse₃ cuë'₅₄ 'nia'₂ ti₁'mag'₄ Diú₄. ⁵ Tsá₃ jui₁dsi₂'én₂ 'au'₂ 'nia'₂ a₂la₂: 'i₁jan₂ jui₁lia'₂ i₂'nió'₅ jág₁ quian'₅₄ i₂tsá₃ lín₅ dsi₂i₂gu₂, on₃ guë'₂ 'i₁jan₂ jui₁lia'₂ i₂jmo₅-dsáu₅ lë₁'iog₅, on₃ guë'₂ jui₁lia'₂ dsa₂ i₂'ua'₂ dsí₅, (ia₁ i₂co₂rin₂ bá₄ dsa₂ i₂'ua'₂ dsí₅ quian'₅₄ jui₁lia'₂ dsa₂ i₂jme₂juin'₂ diú₄ lag₄), o₁líg'₂ tsá₃ lé₂ le₃tiin₃ ja₁gon₂ Cristo quian'₅₄ Diú₄. ⁶ 'I₁jan₂ tsá₃ 'ein₂ jui₁jme₂gau₅ 'nia'₂ quian'₅₄ jág₁ a₂tsá₃ ta₁ tí₄, ia₁ 'uig₅₄ në₅ bá₄ já₅ uig₅ gau₂ quió'₅ Diú₄ ne₄ quió'₅ jaun₅ dsa₂ i₂tsá₃ ne'₅₄. ⁷ Jaun₂ 'nia'₂ në₃, co₂dsia₅ tsá₃ lë₁tóng'₂ quian'₅₄ dsa₂ le₂'éi₂. ⁸ Ia₁ le₂jñiá₅ jme₁tén'₄ 'nia'₂ caun₂ mi₂güig₃ qui₁né₃, la₁ rë₂në₃ në₃, ma₂tén'₅ 'nia'₂ le₃quió'₅ Te₁gui'₅₄ ja₁jñiá₂ si₂. Jui₁le₂chan'₂ 'nia'₂ jaun₂, jui₁lia'₂ ca₂tín₂ le₃chan₂ chi'₂-guein₂ i₂tén₅ tē₂le₃ ja₁jñiá₂ si₂. ⁹ Ia₁ ja₁jñiá₂ si₂ në₃, rë₂jñiá₂ 'ua₁ dsí₅ dsa₂, tí₅ jág₁ quió'₅ dsa₂, a₂rë₂chan₂ dsa₂ quian₅ caun₂ jui₅ co₂dsau₅. ¹⁰ Dsen₅₄ jme₁tin₅ 'nia'₂ 'au'₂ jmó'₂ na₅ a₂të₅ dsí₅ Te₁gui'₅₄. ¹¹ Tsá₃ quen'₅₄ 'nia'₂ jë₄

^h26 Salmo 4:4.

'e₂ a₂tsá₃ ta₁ tí₄ a₂nio₅ jmo₅-dsá₅ dsa₂ i₂tén₅ jë₄ qui₁né'₃; ja₂lin₃ gué₄
dse₃ jme₁jnia₅ 'nia'₂ a₂jaun₂ të₂le₃ ja₁jniá₂ si₂.¹² Ia₁ caun₂ lë₁o₂guí'₃ bá₄,
jua'₅₄ la₂ dsia₃ dsa₂ a₂jmo₅ dsa₂ 'éi₂ jë₄ të₃co'₅₄.¹³ La₁ ca₂le₃jé₃ bá₄
rë₂jniá₂ jë₁ma₂ca₂tág'₃ si₂.¹⁴ Ia₁ quian'₅₄ si₂ bá₄ jmo₅ a₂rë₂jniá₂ ca₂le₃jé₃.
'Uig₅₄ jaun₂ guë'₂ juá'₂:

Jme₁jnio₂ ne'₅₄, 'ne₂ i₂rë₂güín₃; nau₂, jú₅ jin₄ 'lag₄;

jaun₂ jmo₃ Cristo tág₅ si₂ quió'₅ ja₁cong'₂.

¹⁵ Jaun₂ lë₃, rë₂ de'₂ quion₂ 'nia'₂ 'í₁ 'a₂ lia'₂ i₂nio₅'₅₄. Jaun₂ tsá₃
ma₃i₁nio₄'₄ jui₁lia'₂ i₂nio₄ dsa₂ i₂tsá₃ 'e₂ nǎ'₂ dsí₅; jui₁i₂nio'₄ bá₄ 'nia'₂
a₂lǎng'₅ dsa₂ i₂tin₂, i₂nǎ'₂ dsí₅.¹⁶ Quen'₂ 'nia'₂ bí₂, nē₃ lia'₂ cuín₅ jmig₄,
a₂jmó'₂ 'nia'₂ a₂dse₃, ia₁ 'nio₅ jui₁si ma₂'lín'₅₄ dsa₂ jmig₄ rë₂nē₃.¹⁷ Jaun₂
lë₃, tsá₃ jme₁con₅₄ 'nia'₂ 'au'₂; dsen₅₄ 'au'₂ 'nia'₂ jmo₄ jui₁le₂nǎg'₂ na₅
a₂'nio₂ dsí₅ Te₁gui'₅₄.¹⁸ Tsá₃ jui₁qui₂le₂'en'₅ 'nia'₂ quian'₅₄ ti₁jmǎg₃, ia₁
a₂nē₅ bá₄ jio₅ jui₅ ja₁dsi₂'én₂ dsa₂; të₂le₃ jui₁jme₂can'₂ 'nia'₂ quian'₅₄
Jme₂dsí₂ Jnió₅.¹⁹ Dsia₄ 'nia'₂ le₂jang'₂ le₂jang'₂ qui₁juig'₅₄ rǎng'₂ quian'₅₄
salmos, quian'₅₄ himnos, quian'₅₄ son₅₄ a₂gu₂dsí₂, 'ë₄ 'nia'₂ jmo₄ son₅₄
jui₅ të₂'au'₂ a₂jme₁juǎng'₂ Te₁gui'₅₄.²⁰ Jui₁i₂nio'₄ bá₄ 'nia'₂ co₂tan₅₄ cuë'₅₄
ti₁'mag'₄ Diú₄ i₂lín₅ Tia₅₄ quián₂ o₄quió'₄ ca₂le₃jé₃, lia'₂ con'₂ lë₅ bí₂
quió'₅ Te₁gui'₅₄ Jesucristo quián₂ jniog₄.

'A₂ lia'₂ 'nió'₅ le₃chan₂ dsa₂ 'én₂ ta₁caun₂ niói'₃ lia'₂ caun₂ dsi₂néi₂

²¹ Tión'₂ 'nia'₂ 'éi'₃ quió'₅ rǎng'₂ le₂jang'₂ le₂jang'₂, ia₁ a₂gan'₃ 'nia'₂
Cristo.²² 'Nia'₂ dsa₂ mí₂, tión'₂ 'nia'₂ 'éi'₃ quió'₅ dsa₂ nǎ'₂ quiáng'₂,
jui₁lia'₂ tion'₅₄ 'nia'₂ 'éi'₃ quió'₅ Te₁gui'₅₄.²³ Ia₁ dsa₂ nǎ'₂ bá₄ i₂lín₅
mi₂dsi₄ quián₅ 'io₅₄, jui₁lia'₂ lín₅ Cristo mi₂dsi₄ quián₅ guá'₅. Cristo bá₄
ján₃ i₂lín₅ i₂ma₂lió₂ quián₅ guá'₅, ia₁ guá'₅ guë'₂ nē₃ lë₅ co₂'nió'₄ ni₁ni₁₂
'nio₅.²⁴ Le₂nē₅ jui₁lia'₂ guá'₅ tíoín'₅₄ 'éi'₃ quió'₅ Cristo, ján₃ bá₄ le₂nē₅
jui₁lia'₂ dsa₂ mí₂ ca₂tǎín₂ tóín'₃ 'éi'₃ quió'₅ dsi₂i₂gu₂ jë₄ ca₂le₃jé₃.²⁵ 'Nia'₂
dsa₂ nǎ'₂ guë'₂ nē₃, jme₁'nió₄ 'nia'₂ dsa₂ mí₂ quiáng'₂ jui₁lia'₂ ca₂jmo₃
Cristo ca₂jme₃'nioi₃ guá'₅, ca₂le₃jé₃ ca₂gueín₃ 'mú₃ o₄quió'₄ 'éi₂.²⁶ Le₂nē₅
ca₂jmo₃ ia₁jaun₂ ma₂lë₅ 'í₁ Guá'₅ ca₂jme₃dse₃ ca₂rǎng'₂ nē₂jag₄ bá₄
quian'₅₄ jmig₂ të₂le₃ quian'₅₄ jág₁ quió'₅; ²⁷ ia₁jaun₂ jme₃jnio₂₃ chei'₃
ne₅₄ 'nio₅ a₂lág₅ guá'₅ i₂jlán'₁ i₂tsá₃ rë₂'nio₄ 'i₁caun₂, on₃ guë'₂ cha₂
jua'₅₄ ja₁lë₄ qui₂lë₁tsín'₃ quió'₅, on₃ guë'₂ 'i₁caun₂ gué₄ jua'₅₄ a₂siá'₂ lë₅,
jaun₂ dsió₄ lín₅ caun₂ guá'₅ i₂lë₅ 'í₁ quiáín₅ i₂dsen₃ gué₄ lín₃.²⁸ Le₂nē₅
bá₄ ján₃, ca₂tǎín₂ dsa₂ nǎ'₂ jme₃'nioi₃ dsa₂ mí₂ quiáín₅, jui₁lia'₂ 'nio₃ ni₅₄
'nio₅. I₂'nio₃ dsa₂ mí₂ quián₅, 'nioi₃ 'nio₅ bá₄ ján₃.²⁹ Ia₁ 'i₁jan₂ tsá₃
jua'₅₄ 'io₅₄ ni₁ni₁₂ 'nio₅, të₂le₃ jme₂tau₅₄, jmo₂₃ 'í₁, jui₁lia'₂ jmo₅ Cristo
ján₃ quian'₅₄ guá'₅,³⁰ ia₁ le₂jau₂ le₂jau₂ jniog₄ téi₅ ni₁ni₁'₁ 'éi₂.³¹ “Jaun₂
bá₄ lë₃ ca₂tǎín₂ dsa₂ nǎ'₂ qui₃téín₂ chog₅₄-jmei₂, con'₂ tiain'₃ jme₃quian'₅₄

²¹ A₂lin₅₄ chog₅₄ si₂: “ia₁ a₂gan'₃ 'nia'₂ Diú₄.”

³⁰ A₂lin₅₄ chog₅₄ si₂: “quian'₅₄ mu₅ 'ein₅₄ nē₃.”

dsa₂ mí₂ quiáin₅, ia₁jaun₂ dsióg₄ léin₂ caun₂ bá₄ njí₅ jē₁le₃oin₃ le₂jaun₂.^k
³² Jág₁ ně₅ lě₅ caun₂ jág₁ juē₂ a₂ma₂ca₂rě₃jniá₂. La₁ juá₅ jniá₂ 'íng₅
 Cristo quian'₅₄ guá'₅ quiáin₅.³³ La₁ ně₃ ně₃, le₂jan'₂ le₂jan'₂ 'nia'₂
 jme₁'nió₄ dsa₂ mí₂ quiáng'₂, jui₁lia'₂ 'nióg'₃ guiong'₅₄; ján₃ guē'₂ le₂jaun₂
 dsa₂ mí₂ ca₂tín₂ jme₃gain₃ dsi₂i₂gu₂.

6 ¹ 'Nia'₂ i₂lín₅ chí'₂, ca₂tín₂ le₃quió'₅ Te₁gui'₅₄ nág'₁ gau₂ 'e₂
 te₂néi'₂ chog'₂-njéi'₅ 'nia'₂, ia₁ le₂ně₅ bá₄ dse₃. ² Le₂la₂ juá'₂
 jē₁le₂'uig₅₄ 'éi'₃ quió'₅ Diú₄ ja₁juá'₂ cha₂ a₂cuē₃: “Jme₁gan₃ 'nia'₂ chog'₂-
 njéi'₅, ³ ia₁jaun₂ bá₄ dse₃ le₃chang'₂ ton'₂ uē₂ le₃chang'₂ ne₄ gua'₅₄ 'uē₃.^l
⁴ 'Nia'₂ guē'₂ jmei₂ chí'₂, tsá₃ jmag'₅₄ chí'₂ quiáng'₂ jua'₅₄ a₂lě₁jmai'₅₄,
 ia₁jaun₂ tsá₃ uē₂ 'í₂ 'nei₂ dsí₅, tē₂le₃ 'nió'₅ tsiin'₅₄ 'nia'₂ caun₂ jui₅ rě₂,
 a₂jme₁tiin'₅ le₃quió'₅ Te₁gui'₅₄. ⁵ 'Nia'₂ guē'₂ dsa₂ i₂jme₂ti₃ ta₁ ne₄ dsa₂,
 jme₁ti₁ 'nia'₂ ta₁ a₂te₂néi'₂ juig'₂ 'nia'₂ ne₄ gua'₅₄ 'uē₃ la₂, jui₁le₂tin₂ 'au'₂
 'nia'₂ 'ei₅ gau₂ ton'₂ tí₅ jág₁ quián'₂ 'nia'₂, jmo₄ 'nia'₂ ně₂jag₄ bá₄
 a₂jme₂tí₁ ta₁ ne₄ Cristo. ⁶ Jme₁ti₁ 'nia'₂, on₃jua'₅₄ jmá'₃ lia'₂ jme₁jág₅
 jua'₅₄ a₂'náu'₂ 'nia'₂ jui₅ a₂jnia'₅₄ con'₂ tióng'₂ dse₃ quian'₅₄; jmo₄ 'nia'₂
 a₂lín₅ i₂jme₂ti₃ ne₄ Cristo, jmo₄ 'nia'₂ a₂'nió₃ Diú₄ ca₂le₃jě₃ 'au'₂. ⁷ Jaun₂
 'njio₂ 'au'₂ 'nia'₂ jme₁ti₁, co₂'nió'₄ bá₄ a₂jme₂tí₁ ta₁ ne₄ Te₁gui'₅₄;
 on₃jua'₅₄ rě₂ ne₄ dsa₂ mi₂güí₃. ⁸ Ia₁ ma₂nji'₅₄ bá₄ 'nia'₂, cuē₃ Te₁gui'₅₄
 'lian'₅₄ dsa₂ ca₂le₃jín₃ lia'₂ con'₂ lě₅ a₂dse₃ a₂ma₂ca₂jmo₃, o₁jnia'₅₄ dsa₂
 i₂jme₂ti₃ ta₁ ne₄ juig₅₄, o₃ i₂tsá₃ 'ein₂ ne₄ jme₂ti₃ 'e₂.
⁹ 'Nia'₂ guē'₂ i₂lín₅ juig₅₄, le₂ně₅ bá₄ jmo₄ 'nia'₂ ján₃ quian'₅₄ dsa₂
 i₂jme₂ti₃ ta₁ ne₄ '54. Tsá₃ ma₃quian'₅₄ 'nia'₂ jué'₅. Ia₁ ma₂nji'₅₄ bá₄ 'nia'₂,
 jan₂ Juig'₂ 'nia'₂ chan₂, i₂guá₅ guei'₅₄ i₂juí₃, i₂lín₅ Juig₅₄, lia'₂ ne₄ 'nia'₂,
 lia'₂ ne₄ dsa₂ i₂jme₂ti₃ ne₄ 'nia'₂. 'Éi₂ bá₄ tsá₃ jma₃quén₅ jín₂ dsa₂.

'E₂ quian'₅₄ jmo₅ dsa₂ 'én₂ 'nei₂ a₂gu₂dsí₂

¹⁰ Ně₃ ně₃, jē₁ca₂tó'₂ juá'₅ jniá₂ juí₂ 'nia'₂, rin'₅₄ jniog₄: Nau₂ 'nia'₂ tiá₂
 le₃quió'₅ Te₁gui'₅₄, quian'₅₄ jui₅bí₂ bēn₂ quió'₅. ¹¹ Qui'₂ 'nia'₂ ca₂le₃jě₃ 'e₂
 a₂cuē₅ Diú₄ le₁lín'₄ 'nia'₂ jmo₄, co₂'nió'₄ bá₄ jan₂ 'lióg₂, ia₁jaun₂ bá₄ tian'₃
 'nia'₂ náu'₁ tiá₂ ne₄ mai₅₄ quió'₅ i₂sě₃dsen₃. ¹² Ia₁ on₃jua'₅₄ quian'₅₄ dsa₂
 mi₂güí₃ rin'₅₄ jniog₄ cág'₂; quian'₅₄ i₂lín₅ co₂'nió'₄ dsi₂tan₅₄ gu₂dsí₂,
 quian'₅₄ jme₂dsí₂ i₂'io₅ jui₅bí₂, quian'₅₄ jme₂dsí₂ i₂gon₂ jmo₅ 'éi'₃ i₂jmo₅
 qui₁né₃ mi₂güí₃ la₂, quian'₅₄ guē₄ 'lióg₂ 'lín'₅₄ gu₂dsí₂ i₂i₂nió₄ gon₂
 dsi₁güí₂ bá₄ cág'₂ jniog₄. ¹³ Jaun₂ lě₃, quian₂ le₁lín'₄ 'nia'₂ jmo₄ quian'₅₄
 ca₂le₃jě₃ a₂le₃lon'₄ 'nia'₂ a₂cuē₅ Diú₄, ia₁jaun₂ bá₄ tian'₃ 'nia'₂ tióng'₂ tiá₂
 jē₁ma₂tě₂ rě₁jmo₂' 'nei₂ i₂sě₃dsen₃, ia₁jaun₂ cang₂ jē₁ma₂ca₂lín'₃ 'nia'₂
 'nei₂ ně₃, lia'₂ ma₂tión'₂ jaun₂ bá₄ 'nia'₂ tiá₂. ¹⁴ Nau₂ 'nia'₂ tiá₂ jaun₂ ně₃,
 co₂'nió'₄ a₂qui₂rě₂'je'₅₄ tog'₂ quian'₅₄ jág₁ tí₅, a₂lě₅ co₂'nió'₄ lau₂ rě₂jén'₅
 tog'₂ 'nia'₂, lě₅ 'í₁; quian₂ 'nia'₂ caun₂ jui₅ co₂dsau₅ a₂lě₅ 'í₁ le₁'au'₂

^k31 Génesis 2:24.

^l3 Deuteronomio 5:16.

co₂'nió'₄ bá₄jui₁lia'₂ jan₂ 'lióg₂ i₂rě₂lióg₃ nǐ₁ le₁dsí₅.¹⁵ Chan'₂ 'nia'₂
 rě₂jáng'₁ a₂'ě'₄ jág₁ dse₃ a₂'ag₃ tei₄ ja₁con₂ dsa₂, a₂lǐng'₅ nē₂jag₄ bá₄ jan₂
 'lióg₂ chén'₅ rě₂ján₁ rě₂liin'₅₄ ton₅ lau₂ tag₅₄.¹⁶ Ne₄ ca₂le₃jě₃ a₂nē₅,
 jui₁le₂cha₂ 'én'₂ 'nia'₂ ia₁jaun₂ lě₅ nē₂jag₄ co₂'nió'₄ caun₂ nǐ₁ li'₂ a₂chan'₄
 'nia'₂ a₂rě₂quion'₅₄ 'nia'₂ a₂long'₅₄, co'₅₄ a₂jaun₂ qui₂éi₃ 'ma₂ chen'₂
 le₁guí'₂ si₂ a₂qui₂jnáu'₂ i₂sě₃dsen₃ jnái'₂ 'nia'₂.¹⁷ Jui₅ ma₂lón'₂ 'nia'₂
 chang'₂ nē₅, jui₁le₅₄ bá₄ jui₁lia'₂ lě₅ nǐ₁ 'i₄ dsi₄ 'lióg₂, lě₅ 'í₁; ton'₂ quian₂
 'nia'₂ jág₁ quió'₅ Diú₄ a₂lě₅ nǐ₁ tág₂ quió'₅ Jme₂dsí₂, a₂cué'₅ 'nia'₂.
¹⁸ Chi₁len'₄ 'nia'₂ Diú₄ le₃quian'₅₄ Jme₂dsí₂, ca₂le₃jě₃ 'e₂ caun₂ a₂lě₅,
 ca₂le₃jě₃ ne₅₄ a₂mi'₂ 'nia'₂ juig'₂ Diú₄. 'Uig₅₄ nē₅ nē₃, chan'₂ 'nia'₂
 rě₂jáng'₁ co₂tan₅₄ mi₄ 'nia'₂ o₄quió'₄ ca₂le₃jín₃ i₂ma₂tén₅ le₃quió'₅ Diú₄.
¹⁹ Chi₁len'₄ 'nia'₂ Diú₄ ján₃, o₄quió'₃ jniá₂, ia₁jaun₂ bá₄ jmo₃ Diú₄ dsi₃ 'a₂
 lia'₂ juá'₄ jág₁, jaun₂ nio₃ tiá₂ dsi₃ nē₃ a₂'ě'₄ jág₁ dse₃ a₂jme₁rě₂ 'ma₄ quió'₅
 Diú₄.²⁰ Diú₄ ma₂ca₂chei₃ jniá₂ a₂lǐng₄ i₂chen₄ quiáin₅ quian₅₄ jág₁ dse₃;
 'uig₅₄ nē₅ bá₄ nē₃ dseng₅₄ cadena 'eng₅₄. Chi₁len'₄ 'nia'₂ Diú₄ ia₁jaun₂
 nio₃ tiá₂ dsi₃ 'ě'₄ jág₁ dse₃ la₂, lia'₂ con'₂ dsi₂ten₅₄ ca₂tǐng₂ jmo₅₄.

Cuag₂₃ Diú₄ jě₁ca₂tó'₂

²¹ Tíquico, rin'₅₄ jniog₄ i₂'nióg₃ gué₄ lín₃, i₂jme₂ti₃ i₂jme₂'o₅₄ quian'₅₄
 ta₁ quió'₅ Te₁gui'₅₄, 'éi₂ bá₄ quian₅ ca₂le₃jě₃ jág₁ tsí'₃ 'nia'₂ ia₁jaun₂
 le₃nǐ'₅₄ 'nia'₂ 'a₂ lia'₂ lě₅ chang₂, quian'₅₄ 'e₂ a₂jmo₂₃ nē₃.²² Jaun₂ bá₄ lě₃
 tsín₂ jniá₂ ja₁tion'₅₄ 'nia'₂, ia₁jaun₂ le₃nǐ'₅₄ 'a₂ lia'₂ lě₅ chong₂ jniá'₅₄
 ia₁jaun₂ cué'₅₄ 'nia'₂ lián'₂ 'au'₂.

²³ Jui₁jmo₅₄ Diú₄ Tia₅₄ quián₂, quian'₅₄ Te₁gui'₅₄ Jesucristo nē₃, 'ei₅
 tei₄ tiong'₅₄, 'nió'₃ 'nia'₂ rǐng'₂, 'én'₂ 'nia'₂ nē₃.

²⁴ Jui₁jme₂gu'₅₄ bá₄ Diú₄ ca₂le₃jín₃ i₂tsá₃ lǐg'₂ jmig₄ téi₂ i₂'nio₃ Te₁gui'₅₄
 Jesucristo quián₂ jniog₄.

Co₂nē₅.